



LUSITO LOLUVELA NGETULU

**IHLLELWE NGU-WATSON
GOODMAN**

**Lencwadzi iniketwa
ngesihle ayitsengiswa**

LUSITO LOLUVELA NGETULU

“LUSITO LOLUVELA NGETULU” yincwajana lebutsanisa emavesi emi Bhalweni ngetindzikimba tetigaba letehlukene teliBhayibheli. Ngikholwa kutsi liBhayibheli ngekwalo liwuhlatiya kancano umBhalo.

Livi laNkulunkulu livela “ngetulu” futsi ngekweliciniso liyasita kakhulu eti nhlityweni letilambile futsi tomele kulunga. Ngesikhatsi umuntfu aphendvuka alahle sono, acele iNkhosi Jesu Khristu kutsi angene aphile enhlityweni yakhe, futsi akholwe ngenhlityo yakhe yonkhe eNkhosini Jesu Khristu njenge Msindzisi, ngako Nkulunkulu utati bonakalisa, futsi amnike injabulo nokuthula kwakhe enhlityweni yalokholwako. Loku kwenteka kimi nga 1937 futsi kusu kela ekucaleni ngisabutfokotela lobudlelwane bami neNkhosi. Nangabe use ngakakwenti loko, ngiyakuncenga kutsi utinikele kuye njenge-Msindzisi ne Nkhosi yakho MANJE. —Watson Goodman (1920-2002)

LUTSANDVO LWANKULUNKULU

1

Kodvwa-ke Nkulunkulu sewulukhombisile lutsandvo lwakhe kitsi ngekutsi sisetoni Khristu wafa esikhundleni setfu. —KubaseRoma 5:8

Kwatsi sekutakusa kube lilanga lelandzelelwa nguMkhosi weliPhasika, Jesu ati kutsi sikhatsi sakhe sesifikile sekutsi awushiye lomhlaba aye kuYise, njengobe abebatsandzile bakhe emhlabeni, wabatsandza kwaze kwaba ngusekugcineni. —Johane 13:1

NakuJesu Khristu, fakazi lowetsembekile, litubulo lalabafile nembusi wemakhosi onkhe emhlaba. Kuye, lositsandzako nalowasikhulula etonweni tetfu ngengati yakhe.

—Sembulo 1:5

Nkulunkulu walitsandza live kakhulu kangangekutsi wadzimate wanikelela ngeNdvodzana yakhe lekukuphela kwayo, kuze kutsi nome ngubani lokholwa ngiyo angabhubhi, kodvwa abe nekuphila lokuphakadze.

—Johane 3:16

Kodvwa lote lutsandvo akamati Nkulunkulu, ngobe Nkulunkulu ulutsandvo. Lutsandvo lwaNkulunkulu lwabonakaliswa ki tsi ngekutsi Nkulunkulu wafumela iNdvodzana yakhe leyodvwa emhlabeni, khona sitekuphila ngayo.

—1 yaJohane 4:8, 9



2

BUNKULUNKULU

Siyavuma kutsi yinkhulu kakhulu imfihlakalo yenkholo yetfu yekutsi: Wabonakaliswa angumuntfu, wafakazelwa nguMoya, wabonwa tingilosi, washunyayelwa kubetive, wakholeka emhlabeni wenyukela enkhatimulweni. —1 kuThimothi 3:16

Ekucaleni kungakadalwa lutfo, abevele akhona Livi. Livi abekuNkulunkulu, Livi abenguNkulunkulu. Livi waba ngumuntfu, wahlala kanye natsi, agcwele umusa neliciniso.

—Johane 1:1, 14

Konkhe loku kwentekela kugcwalisa loko lokwashiwo yiNkhosi nge-mpholofethi lowatsi: “Bheka, intfombi itakukhulelwa itale indvodzana,

BAJESU KHRISTU

ligama layo kutawutsiwa ngu-Emanuweli,” lokusho kutsi: “Nkulunkulu unatsi.” —Matewu 1:22, 23

“Mine naBabe simunye.”

—Johane 10:30

Jesu watsi kuye: “Senginesikhatsi lesidze ngingani, kodvwa nanyalo awukangati, Filiphu? Lowo losabone mine, umbonile naBabe. Usho kanjani kutsi: ‘Sibonise uYihlo’? Filiphu, awukholwa yini kutsi ngikuBabe, naBabe ukimi? Lamavi lengiwakhulume kini, angitikhulumeli mine, kodvwa Babe lohlala kimi nguye lowenta umsebenti wakhe ngami.”

—Johane 14:9, 10

JESU, INDVODZANA YANKULUNKULU

3

Lowo lovuma kutsi Jesu uyiNdvodzana yaNkulunkulu, Nkulunkulu uhlala kuye, naye uhlala kuNkulunkulu.
—1 yaJohane 4:15

“Mine ngingulowehlukaniselwe Babe, ngitfunywe nguye emhlabeni. Ningigwebelani ngekuhlambalata ngobe ngitsite: ‘NgiyiNdvodzana yaNkulunkulu’? Nangabe angenti yona imisebenti yaBabe ningabongikholwa.”
—Johane 10:36, 37



Ingilosi yamphendvula yatsi: “Moya loNgcwele uyakwehlela kuwe, e-mandla aNkulunkulu Lo-setikwako Konkhe aku-sibekele. Ngako-ke lo-

mntfwana loNgcwele lotakutalwa nguwe uyakubitwa ngekutsi yiNdvodzana yaNkulunkulu.” —Lukha 1:35

Watsi asakhuluma loko, kwachamuka lifu lelikhatimulako, labasibekela. Kwevakala livi kulelifu litsi: “Lena yiNdvodzana yami letsandzekako, lengitfokota ngayo; yilaleleni!”

—Matewu 17:5

Yaphendvula yatsi: “Nkhosi, ngitjele kutsi ingubani, kuze ngitekukholwa kuyo.” Jesu watsi kuyo: “Sewuyibonile, ngiyo lena lokhuluma nayo.”
—Johane 9:36, 37

Emtimbeni waKhristu kuhlala kuphelela konkhe kwebuNkulunkulu.
—KubaseKholose 2:9

4 JESU USITJELA KUTSI UNGUBANI

Watsi kubo: “Nine navela phansi, mine ngavela etulu. Nine nibelive, kodvwa mine angisiye wakulelive.” Jesu watsi kubo: “Ngicinisile, ngicinisile, ngitsi kini: Asengakabikho Abrahama, solo ngikhona mine.”

—Johane 8:23, 58

Umfati watsi kuye: “Ngiyati kutsi Mesiya, lokutsiwa nguKhristu, utakufika. Nasefikile yena utakusitjela konkhe.” Jesu watsi: “Nginguye mine lengikhuluma nawe.”

—Johane 4:25, 26

Jesu watsi kubo: “Mine ngisinkhwa sekuphila, lowo lota kimi, angeke alambe; nalowo lokholwa ngimi, angeke aphindze ome.” —Johane 6:35

“Ngisesekhona lapha emhlabeni ngikukhanya kwemhlaba.” —Johane 9:5

Ngako Jesu waphindza watsi kubo: “Ngicinisile, ngicinisile, ngitsi kini: Mine ngilisango letimvu.”

—Johane 10:7

Jesu watsi kuye: “Mine ngikuvuka nekuphila, lokholwa ngimi, nome angafa, uyakuphila.” —Johane 11:25

“Ningibita ngeMfundzisi neNkhosi, nenta kahle, ngobe vele nginguko.”

—Johane 13:13

Jesu watsi kuye: “Mine ngiyindlela, neliciniso, nekuphila. Kute longeta kuBabe nakangeti ngami.”

—Johane 14:6

LETINYE TIMANGALISO LETENTIWA NGUJESU 5

Jesu wase utjela bantfu kutsi bahla-
le phansi etjanini, watsatsa letinkhwa
letisihlanu naletinhanti letimbili, wa-
buka etulu, wabusisa. Wahlephula ti-
nkhwa wanika bafundzi bakhe, bona
base bemukelisa leticumbi. Bonkhe
bantfu badla, besutsa. Bafundzi babu-
tsa timvutfuluka, tacwaba emabhasi-
kidi lali-12. Bantfu lababedla kwaku-
ngemadvodza labengacishe abe ti-5000
ngaphandle kwebafati nebantfwana.

—Matewu 14:19-21

Simoni waphendvula watsi: “Mfu-
ndzisi, sishikaneke busuku bonkhe
lapha, kodvwa asikabambi lutfo, no-
ko njengobe sekushito wena ngitaku-

licwilisa linetha lami.” Nembala ba-
tsi bayawafaka emanetha abo acwila,
babamba incumbi yetinhanti adzima-
te acishe adzabuka ekhatsi emane-
tha.

—Lukha 5:5, 6

Timpumphutse letimbili, letatihleti
elusentseni lwemgwaco, teva kutsi
nguJesu lona lowengcako, tase tiya-
memeta titsi: “Nkhosi, Ndvodzana
yaDavide! Sihawukele!” Kepha
Jesu... watsi: “Nifuna nginentele-
ni?” Tatsi kuye: “Nkhosi, sifuna ku-
tsi emehlo etfu avuleke.” Jesu wati-
hawkela, watsintsa emehlo ato, tabo-
na masinyane, tase tiyamlandzela.

—Matewu 20:30, 32-34

6

JESU KHRISTU UNGUMDALI NENKHOSI

...kuNkulunkulu lowadala tintfo tonkhe...ngaKhristu Jesu iNkhosi yetfu. —Kubase-Efesu 3:9b, 11b

Ngobe konkhe kwadalelwa kuyo, lokusezulwini nalokusemhlabeni, lokubonakalako nalokungabonakali, nome-ke kutihlalo tebukhosi, nome kubukhosi, nome babusi, nome tiphatsi-mandla. Konkhe kwadalwa ngayo, futsi kwadalelwa yona.

—KubaseKholose 1:16

Konkhe kwadalwa ngaye, ngaphandle kwakhe kute lokwadalwa kuko konkhe lokudaliwe. —Johane 1:3

Nkulunkulu...kuletinsuku tekugcina sewukhulume kitsi ngeNdvodzana

yakhe ladala ngayo umhlaba nako konkhe lokukhona.

—KumaHebheru 1:1a, 2

“Bonkhe bantfu baka-Israyeli, kufanele bati kahle kutsi nguye yena lo-Jesu, lenambetsela esiphambanweni, Nkulunkulu lasamente iNkhosi na-Khristu!”

—Imisebenti yebaPhostoli 2:36

Ngobe Khristu wafa waphindze waphila, khona atekuba yiNkhosi yalabaphilako nalabafile.

—KubaseRoma 14:9

Wetsembekile Nkulunkulu lowanibitela ebudlelwaneni neNdvodzana yakhe Khristu iNkhosi yetfu.

—1 kubaseKhorinte 1:9

JESU KHRISTU NGUMEHLULELI WABO BONKHE 7

Wena-ke umehlulelani umzalwane wakho? Nawe-ke umeyiselani umzalwane wakho? Empeleni sonkhe siyakuma embikwesihlalo sekwehlulela saNkulunkulu. —KubaseRoma 14:10

Ngiyakuyala embikwaNkulunkulu naKhristu Jesu, lotakwehlulela labaphilako nalabafile, ngikuyalisisa ngekubonakala kwakhe nembuso wakhe. —2 kuThimothi 4:1

“INDvodzana yeMuntfu nayita ngenkhatimulo yayo netingilosi tayo tonkhe, iyakuhlala esihlalweni sayo sebukhosi, tonkhe tive temhlaba tiyakubutselwa embikwayo. Iyakubehlukanisa labanye kulabanye, njengemelusi ehlukana timvu netimbuti.”

—Matewu 25:31, 32

UYise akehuleli munfu, konkhe kwehlulela ukunike iNdvodzana.

—Johane 5:22

Ngekweli Vangeli lami ngaKhristu Jesu kuyakuba njalo nangalelo langa Nkulunkulu layakwehlulela ngalo lokufihlekile kwebantfu.

—KubaseRoma 2:16

Wasitfuma kutsi shumayele kubantfu, sifakaze nekutsi nguye lokhetfwe nguNkulunkulu kutsi abe nguMehluleli walabaphilako nalabafile.

—Imisebenti yebaPhostoli 10:42



Mine ngilisango, umuntfu nakange-
na ngami uyakusindziswa; uyakunge-
na, aphume, akhandze lidlelo.

—Johane 10:9

Jesu watsi kuye: “Mine ngiyindle-
la, neliciniso, nekuphila. Kute longe-
ta kuBabe nakangeti ngami.”

—Johane 14:6

“Ngiko nje ngatsi kini: ‘Nitakufela
etonweni tenu, naningakholwa kutsi:
“Mine Nginguye leNginguye.”’”

—Johane 8:24

Bonkhe bantfu bonile, bakhashane
kakhulu nenkhatimulo yaNkulunkulu.
Kodvwa ngesipho samahhala semusa
waNkulunkulu bonkhe bentiwe be-
mukeleka kuye kutsi balungile nge-
kuhlengwa lokukuKhristu Jesu.

—KubaseRoma 3:23, 24

Kwase kutsi ngekupheleli swa kwa-
khe waba ngumtfombo wensindziso
yaphakadze yabo bonkhe labo laba-
mlalelako. —KumaHebheru 5:9

Ngako-ke unawo emandla ekubasi-
ndzisa ngalokuphelele labo labaso-
ndzela ngaye kuNkulunkulu, njengo-
be yena aphailela kubancusela ngaso
sonkhe sikhatsi.

—KumaHebheru 7:25

“Kute kusindziswa ngalomunye;
ngobe kute lelinye ligama ngaphansi
kwelizulu lelinikwe nguNkulunkulu
kubantfu, lesingasindziswa ngalo.”

—Imisebenti yebaPhostoli 4:12

KUHLENGWA NGAKHRISTU KUPHELA

9

Yena watinikela ngenca yetfu, kuze atesihlenga ebubini bonkhe atingcwe-lisele sive lesisakhe, lesinenshisekelo kutsi sente imisebenti lemihle.

—KuThithusi 2:14

Nibonge uYise lowanenta nafane-lwa sabelo selifa lalabangcwele eku-khanyeni. Wasikhulula emandleni e-bumnyama, wasibeka embusweni we-Ndvodzana yakhe letsandzekako. Ku-yo sinekuhlengwa, lokukutsetselelwa kwetono tetfu.

—KubaseKholose 1:12-14

Kwahlatjelwa ingoma lensha, letsi:
“Ufanele wena kuyitsatsa lencwadzi

legocotiwe, ufanele futsi kuticatulula netimphawu tayo, yebo, ngobe wena wahlatjwa, ngengati yakho wahlawu-lela bantfu kuNkulunkulu. Labantfu bachamuka emindenini yonkhe, nase-tilimini tonkhe, nasetiveni tonkhe, nasemaveni onkhe.” —Sembulo 5:9

“Phela, iNdvodzana yeMuntfu ite-kufuna nekusindzisa lokulahlekile.”

—Lukha 19:10

Niphile imphilo yelutsandvo, nje-ngobe naKhristu asitsandza watinike-la ngenca yetfu, waba ngumnikelo nemhlatjelo loliphunga lelimnandzi kuNkulunkulu. —Kubase-Efesu 5:2

Sesentiwe ngengati yaJesu semukeleka kuNkulunkulu kutsi silungile, ngetulu kwaloko siyakusindziswa ngaye elulakeni lwaNkulunkulu.

—KubaseRoma 5:9

Ngengati yaJesu sinekuhlengwa ne-kutsetselelwa kwetono, ngekwengcebo yemusa.

—Kubase-Efesu 1:7

Nati kutsi nahlangwa ngani ekuhambeni kwenu lokwakulite, lenakuni-kwa bokhokho. Anihlangwanga nge-tintfo letigugako njengesiliva negolide; kodvwa nahlangwa ngengati leligugu yeliWundlu lelinguKhristu, lelingenacala nalelingenasici.

—1 yaPhetro 1:18, 19

Kodvwa nasihamba ekukhanyeni, njengobe yena asekukhanyeni, sine-

budlelwane lomunye nalomunye, ngengati yaJesu, iNdvodzana yakhe, iyasihlanta kuko konkhe kona.

—1 yaJohane 1:7

Inganihlambulula kakhulu kangakanani-ke ingati yaKhristu! Watinikela yena kuNkulunkulu ngaMoya waphakadze, watinikela ate sici. Ingati yakhe iyakuhlambulula nembeza wenu emisebentini lefile, kuze nikhonte Nkulunkulu lophilako.

—KumaHebheru 9:14

Kodvwa siphindze sijabule kuNkulunkulu ngaJesu Khristu iNkhosi yetfu lokungaye semukeliswe kubuyisana naNkulunkulu.

—KubaseRoma 5:11b

KUSINDZISWA NGEKUKHOLWA KUKHRISTU 11

Empeleni kusindziswa kwenu ngekukholwa kuya ngemusa, futsi loko akuveli kini, sipho nje saNkulunkulu. Loko akuveli ngemisebenti, funa kube khona lotibongako.

—Kubase-Efesu 2:8, 9

Njengobe sesentiwe semukeleka kuNkulunkulu kutsi silungile ngekukholwa, sesinekuthula naNkulunkulu ngeNkhosi yetfu Jesu Khristu.

—KubaseRoma 5:1

Ngobe kuKhristu Jesu kusoka neku-ngasoki akunamsebenti, kodvwa kuphela kukholwa lokusebenta ngelutsandvo.

—KubaseGalathiya 5:6

Wonkhe umuntu lotelwe nguNkulunkulu uyalincoba live. Kuncoba le-

sincoba ngako live: kukholwa kwe-tfu.

—1 yaJohane 5:4

“Kholwa eNkhosini Jesu, utakusindziswa....”

—Imisebenti yebaPhostoli 16:31b

Base bayambuta-ke batsi: “Singen-tani lokungukona kuyimisebenti yaNkulunkulu?” Jesu wabaphendvula watsi: “Umsebenti waNkulunkulu kutsi nikholwe nguye lamtfumile.”

—Johane 6:28, 29

Leti tibhalelwe kutsi nitekukholwa kutsi Jesu unguKhristu, iNdvodzana yaNkulunkulu, nekutsi ngekukholwa kwenu nibe nekuphila ngeligama lakhe.

—Johane 20:31

SIHAWU SANKULUNKULU

Akabongwe Nkulunkulu uYise we-Nkhosi yetfu Jesu Khristu, longuYise wemusa. Yebo, akabongwe Nkulunkulu longumtfombo wayo yonkhe indvudvuto. -2 kubaseKhorinte 1:3

Akabongwe Nkulunkulu, longuYise weNkhosi yetfu Jesu Khristu, lowa-sitala kabusha ngemusa wakhe lomkhulu, kuze sibe nelitsemba leliphilako ngekuvuswa kwaJesu Khristu kulabafile. -1 yaPhetro 1:3

Ngobe iNdvodzana yeMuntfu itele kusindzisa lokulahlekile. "Nitsini-ke? Nangabe umuntfu anetimvu letilikhulu, bese kulahleka yinye yato, angeke yini atishiye leti letingema-99 tidla eceleni, ahambe yena ayekufuna lena lelahlekile? Nginitjela ngitsi: Naka-

yitfola, utfokota kakhulu ngayo kuna-leti letingema-99 lebetingakalahleki. Kanjalo-ke akusiyo intsandvo yeYihlo losezulwini kutsi kubhubhe nome ngabe munye kulaba labancane."

-Matewu 18:11-14

Ngako-ke asisondzele ngesibindzi esihlalweni semusa, khona sitakwemukela sihawu, sitfole umusa lotasi-sita ngesikhatsi lesifanele.

-KumaHebheru 4:16

Wasisindzisa, hhayi ngobe besente imisebenti yekulunga, kodvwa ngesihawu sakhe. Wasisindzisa, wasigeza ngekusitala kabusha nangekusenta busha ngaMoya loNgcwele.

-KuThithusi 3:5

NKULUNKULU UYASIMEMA KUBE SITE KUYE 13

“Sesifikile sikhatsi sekudla, watfumela sisebenti kutsi siyekubita labamenyiwe, watsi sifike sitsi: ‘Wotani, konkhe sekulungile!’”

—Lukha 14:17

Moya namakoti batsi: “Kota!” Womkhe umuntu lovako akatsi: “Kota!” Lowo lowomile akete; nalowo lofuna emanti ekuphila, akawanatse mahhala.

—Sembulo 22:17

Ngako singemancusa aKhristu; Nkulunkulu uncusa ngatsi. Sinince-nga egameni laKhristu sitsi: “Buyisanani naNkulunkulu.”

—2 kubaseKhorinte 5:20

Kepha ngelilanga lelikhulu lekugcina lemkhosi, Jesu wasukuma wema,

wamemeta ngelivi lelikhulu watsi: “Nakukhona lowomile, akete kimi anatse.”

—Johane 7:37

Kodvwa watsi kube akubone loko Jesu, watfukutsela watsi kubo: “Vumelani bantfwana bete kimi, ningabavimbeli, ngobe umbuso waNkulunkulu walabanjalo.”

—Makho 10:14

“Wotani kimi, nine nonkhe lenikhatsese nalenisindvwa yimitfwalo, ngitaniphumuta.”

—Matewu 11:28

We nina nonke enomileyo, wozani emanzini; nani eningenamali wozani nithenge, nidle; wozani nithenge ngaphandle kwemali, yebo, iwayini nobisi, kungabizwa-lutho. —Ulsaya 55:1

AKUSIBOBONKHE BANTFU LABABANTFWANA BANKULUNKULU

Bantfwana baNkulunkulu nebantfwana baSathane babonakala ngaloku: Umuntfu longenti kulunga nalongatsandzi umzalwane wakhe, akasiye waNkulunkulu.

-1 yaJohane 3:10

Labo labaholwa nguMoya waNkulunkulu bangemadvodzana aNkulunkulu. Ngobe anemukelanga umoya webugcili wekutsi nibuye nesabe, kodwa nemukela Moya losenta emadvodzana, sikhulume ngaye kuNkulunkulu sitsi: "Babe! Babe wami!" -KubaseRoma 8:14, 15

Kuze nibe ngulabangasoleki, nalabangenacala, bantfwana baNkulunkulu labangenasici emkhatsini wesitu-

kulwane lesigwegwile nalesiphambene. Kufanele nikhanye kuso lesitukulwane njengetinkhanyenti letikhanyisa esibhakabhakeni.

-KubaseFiliphi 2:15

INkhosi yaphindza yatsi: "Phumani emkhatsini wabo, nehluwane nabo. Ningakutsintsi lokungcolile, ngiyakube sengiyanemukela." INkhosi, Somandla, yaphindza yatsi: "Mine ngiyakuba nguYihlo, nine-ke niyakuba ngemadvodzana nemadvodzakati ami." -2 kubaseKhorinte 6:17, 18

Kepha bonkhe labamemukela, ngekukholwa egameni lakhe, wabapha e-mandla ekutsi babe bantfwana baNkulunkulu.

-Johane 1:12

LOKO LOKUSHIWO NGUNKULUNKULU NGEKUNATSA LOKUDZAKISANAKO

15

Phela imisebenti yenyama isebaleni, ngulena: bugwadla, nebuphingi, nekungcola, nemanyala, nekukhonta thico, nekutsakatsa, nebutsa, nenkhani, nemona, nelulaka, nekubanga, nekwehlukana, nekuhlubuka, nekuhawukela, nekudzakwa, nebudli, naletinye tintfo letifanana naleti lenganjela ngato kucala, kutsi labo labenta letintfo bangeke balidle lifa lembuso waNkulunkulu.

—KubaseGalathiya 5:19-21

Asitiphatse ngalokufanele njengalahamba emini, hhayi ngekumita nangekudzakwa, hhayi ngekuphinga nangekugwadla, hhayi ngekucabana na-

ngemona, kodvwa yembatsani iNkxosi Jesu Khristu ninganakekeli kutsi lesimo senu semtimba lesonakele ningasenelisa kanjani ngetinkhanukotaso. —KubaseRoma 13:13, 14

“Ticaphelisiseni! Ningatifaki kakhulu emadzilini nasekunatseni lokudzakanako, nasekunakeni tintfo talomhlaba, funa lelo langa linitume.”

—Lukha 21:34

Ngobe uyakuba ngumuntfu lomkhulu ebusweni baNkulunkulu, akayulinatsa liwayini nome-ke yini ledzakisako, uyakugcwaliswa ngaMoya loNgcwele kusukela angakatalwa.

—Lukha 1:15

16 KWENTA LOKULUNGILE AKUKENELI

“Mfundzisi lolungile, ngingentani kuze ngitfole kuphila lokuphaka-dze?” Jesu watsi kuye: “Ungibite-lani ngekutsi ngilungile? Kute lolu-ngile, nguNkulunkulu kuphela. Uya-yati imiyalo letsi: ‘Ungabulali, unga-phingi, ungebi, ungafakazi emanga, ungatsatsi lutfo ngebucili, hlonipha uyihlo nenyoko.’” Yamphendvula ya-tsi: “Mfundzisi, konkhe loko ngaku-gcina kusukela ebuntfwaneni bami.” Jesu asambuka wamtsandza watsi ku-ye: “Kunye lokusasele kutsi ukwe-nte: Hamba uyekutsengisa ngako ko-nkhe lonako, wabele labamphofu le-ali, khona uyakuba nemcebo ezu-lwini, bese-ke uyeta uyangilandzela.” Yajabha kakhulu nayikuva loko ngo-

be beyinjinge kakhulu, yahamba u-moya wayo sewushone phansi.

—Makho 10:17b-22

Kodvwa khutsatanani onkhe emala-nga yingci nakusatsiwa: “Lamuhla,” kutsi kubete lowentiwa inhlitiyo ya-khe ibe lukhuni ngekuyengwa sono.

—KumaHebheru 3:13

Ngiyambonga Khristu Jesu iNkhosi yetfu longiphe emandla, ngobe wa-ngetsemba ngekungifaka emsebentini wakhe. Nome ngaphambilini ngangimlulata ngenhlamba, ngimtingela, ngimetfuka, kodvwa ngemukela bu-bele, ngobe ngangikwentiswa kungati ngesikhatsi ngingakakholwa.

—1 kuThimothi 1:12, 13

Ningayengwa, Nkulunkulu akaphukutwa, ngobe umuntfu uyakuvuna lo-ko lakuhlanyelako.

—KubaseGalathiya 6:7

Bantfwabami, ningayengwa ngumuntfu; umuntfu lowenta kulunga ulungile, njengobe naKhristu alungile. Umuntfu lowonako waSathane, ngobe Sathane wona kusukela ekucaleni.

—1 yaJohane 3:7, 8a

Anati yini kutsi labangakalungi abayikulidla lifa lembuso waNkulunkulu? Ningayengeki: Tingwadla, nalabakhonta tithico, netiphingi, nalabadvuna labalalanako, nemasela, nalababukhali, netidzakwa, nalabetfukako, netigebengu, bangeke balidle lifa

lembuso waNkulunkulu.

—1 kubaseKhorinte 6:9, 10

Ningakhohliswa ngumuntfu ngemavi lalite, ngobe ngenca yaletto tintfolulaka lwaNkulunkulu lwehlela etikwalabangamlaleli.

—Kubase-Efesu 5:6

Nibe benti belivi, ningabi balaleli kuphela nje, nitikhohlisa.

—LeyaJakobe 1:22

Nangabe umuntfu aticabanga kutsi ulutfo, kantsi akasilo lutfo, uyatiyenga.

—KubaseGalathiya 6:3

“Ngobe bantfu labanyenti bayakuta ngeligama lami, befike batsi: ‘NginguKhristu!’ bedukise labanyenti.”

—Matewu 24:5

18 SONO SILETSA KUFA

Sono sangena ngemuntfu munye e-mhlabeni, sangena nekufa, kufa kwa-se kwendlulela kubo bonkhe bantfu, njengobe bonkhe bonile.

—KubaseRoma 5:12

Kunaka kwenyama kukufa, kodvwa kunaka kwaMoya kukuphila nekuthula. Ngako-ke labanaka kwenyama batitsa kuNkulunkulu, ngobe abawutfobeli umtsetfo waNkulunkulu; empele-ni bate emandla ekuwutfobela.

—KubaseRoma 8:6, 7

Natfolani-ke ngekwenta leto tintfo leseninemahloni ngato nyalo? Phela siphetfo saletu tintfo kufa!

—KubaseRoma 6:21

“Kodvwa sabelo semagwala, nalabangakhola, nalabanengekako, ne-

nebabulali, netingwadla, netiphingi, nebatsakatsi, nalabakhonta tithico, nalabacala emanga, kuyakuba lichibi lelivutsa umlilo nesibabule; loku kufa kwesibili.”

—Sembulo 21:8

“Kepha kusifanele kutsi sijabule sidle ngekutfokota, ngobe umnakenu abefile, kepha manje sewuyaphila; abelahlekile, kepha manje sewutfolakele.”

—Lukha 15:32

Inkhohhelo yesono kufa.

—KubaseRoma 6:23a

Nangabe inkhanuko seyitsatsile, itala sono; sono nasesiphelele, sitala kufa.

—LeyaJakobe 1:15

Oqinile ekulungeni uyakuphila, kepha-olandela okubi, kuyakuba-ngukufa kwakhe.

—IzAga 11:19

KHRISTU WAKUNCOBA KUFA

19

Ngebungcwele bakhe basezulwini kwakhonjiswa ngemandla lamakhulu kutsi uyiNdvodzana yaNkulunkulu ngekutsi avuswe ekufeni.

—KubaseRoma 1:4

Asakushito loko, wamemeta ngelivi lelikhulu watsi: “Lazaro! Phuma!” Umufi waphuma aboshwe tandla netinyawo ngetindvwangu, buso bakhe bumbonywe ngeliduku.

—Johane 11:43, 44

“Ngaloko-ke Babe uyangitsandza, ngobe ngidzela kuphila kwami khona ngitakubuya ngikutsatse futsi. Kute longangemuka kuphila kwami. Ngi-kubeka phansi mine ngekwami. Ngina-
nawo emandla ekukubeka phansi, ne-

wekuphindze ngikutsatse futsi. Ngu-loko lengikutfunywe nguBabe kutsi ngikwente.” —Johane 10:17, 18

Wahamba Jesu watsintsa loluhlaka lwalunalesidvumbu, bantfu lababelutfwewe base bayema. Jesu watsi: “Ngitsi kuwe: Vuka, jaha!” Lelijaha lelalifile lavuka lahlala ngetibunu, lacala lakhuluma.

—Lukha 7:14, 15a

“Ngafa, kodvwa ase ubheke nyalo, sengiyaphila, kuze kube phakadze, futsi nginetikhiya tekufa neteHayidesi.” —Sembulo 1:18

Sitsa sekugcina lesiyakucitfwa kufa. —1 kubaseKhorinte 15:26

“Mfundzisi, ngumuphi umyalo lomkhulu emtsetfweni seyiyonkhe?” Jesu watsi kuye: “Uboyitsandza i-Nkhosi, Nkulunkulu wakho, ngayo yonkhe inhlitiyo yakho, nangawo wonkhe umphefumulo wakho, nangayo yonkhe ingcondvo yakho.’ Ngulowo-ke umyalo lomkhulu newekucala. Wesibili ufanana nawo utsi: ‘Ubotsandza makhelwane wakho, njengobe utitsandza wena.’ Kuleyo miyalo yomibili kubambelele wonkhe umtsetfo kanye nemfundziso yebapholofethi.”
—Matewu 22:36-40

Kwatsi Jesu nasatakuhamba kwachamuka indvodza ita igijima, yefika yaguca embikwakhe yambuta yatsi: “Mfundzisi lolungile, ngingentani

kuze ngitfole kuphila lokuphaka-dze?” Jesu watsi kuye: “Ungibitela-ni ngekutsi ngilungile? Kute lolungile, nguNkulunkulu kuphela. Uyayati imiyalo letsi: ‘Ungabulali, ungaphing-i, ungebi, ungafakazi emanga, ungatsatsi lutfo ngebucili, hlonipha uyihlo nenyoko.’” Yamphendvula yatsi: “Mfundzisi, konkhe loko ngakugcina kusukela ebuntfwaneni bami.” Jesu asambuka wamtsandza watsi kuye: “Kunye lokusasele kutsi ukwente: Hamba uyekutsengisa ngako konkhe lonako, wabele labamphofu lemali.”
—Makho 10:17-21

“Ngininika umyalo lomusha wekutsi: Njengobe nami nginitsandzile, nani tsandzanani.”
—Johane 13:34

NKULUNKULU UNGEKE UMBHACELE

21

Kute sidalwa lesifihlakele kuNkulunkulu, kodvwa konkhe kusebaleni kwembuliwe emehlweni alowo lekufanele sitilandze kuye.

—KumaHebheru 4:13

Ukhona ongacasha ezindaweni ezisithekileyo ukuze ngingamboni na? usho uJehova. Angithi ngiyagcwalisa izulu nomhlaba na? usho uJehova.

—UJeremiya 23:24



Ngingayaphi ngisuke kuMoya wakho? Ngingashona kuphi ngibaleke ebusweni bakho? Nangikhuphukela emazulwini, wena ulapho, nangendlala

licansi lami endzaweni yalabafile, wena ulapho. Bumnyama bebungeke bube mnyama kuwe, busuku bebuyakukhanya njengemini, ngobe bumnyama bufanana nekukhanya kuwe.

—Tihlabelelo 139:7, 8, 12

Ngako-ke ningacali kwehlulela lutfo sikhatsi singakefiki, neNkhosi ingakefiki. Ngiyo leyakuveta ekukhanyeni lokufihlakele ebumnyameni, ivete ebaleni imicabango yetinhlitiyo. Lapho-ke ngulowo nalowo muntfu uyakutfofa kubongwa lokuvela kuNkulunkulu. —1 kubaseKhorinte 4:5

“Konkhe lokufihlakele kuyakuvetwa ebaleni. Nalokufihliwe kuyakubonakaliswa ekukhanyeni.”

—Lukha 8:17

KUJEZISWA KWALABANGAMESABI NKULUNKULU KWENGUNAPHAKADZE

INdvozana yeMuntfu iyakutfumela tingilosi tayo tiyekubutsa tikhiphe konkhe lokubanga kona nabo bonkhe benti balokubi embusweni wayo, ti-balahle emlilweni lowesabekako, lapho bayakukhala kudzimate kuge-dletele ematinyo.

—Matewu 13:41, 42

Lowo ligama lakhe lelalingakabha-lwa encwadzini yekuphila, wajikwa echibini lelivutsa umlilo.

—Sembulo 20:15

Kepha ngalo lelivi emazulu ne-mhlaba lokukhona nyalo kugcinelwe umlilo ngelusuku lwekwehlulelwa, lapho kuyakubhujiswa khona labanga-mesabi Nkulunkulu. —2 yaPhetro 3:7

“Nangabe sandla nome lunyawo lwakho lukonisa; lijube ululahle kha-shane nawe; ngobe kuncono kuwe kungena ekuphileni uyingini, nome uyinchute kunekutsi ube netandla to-timbili nome unetinyawo totimbili nome unetinyawo totimbili kepha ulahlwe emlilweni waphakadze.”

—Matewu 18:8

“Labo-ke bayakuhamba baye eku-jezisweni kwaphakadze; kodvwa labalungile bayakuya ekuphileni kwaphakadze.”

—Matewu 25:46

Lababi baya ekufeni, yebo, bonkhe labafulatsela Nkulunkulu.

—Tihlabelelo 9:17

“Ngobe umisile lilanga lapho ayakwehlulela khona umhlaba wonkhe ngeliciniso lelimsulwa ngemuntfu munye lamkhetsile; ngaye sewuvete siciniseko kubantfu bonkhe ngekutsi amvuse kulabafile.”

—Imisebenti yebaPhostoli 17:31

INkhosi iyakwati kubakhulula eku-lingweni labo labesaba Nkulunkulu; kodvwa labangakalungi ibagcinela kujeziswa ngelusuku lwekwehlulelwa.

—2 yaPhetro 2:9

Ngobe sonkhe kufanele sime embikwesihlalo saKhristu sekwehlulela, kuze kutsi ngulowo nalowo atekwemukela umvuzo wakhe ngalakwentile, lokuhle nome lokubi, asekulo-
mtimba. —2 kubaseKhorinte 5:10

Lutsandvo luphelelisiwe kitsi kuze sibe nesibindzi ngelilanga lekwehlulela, ngobe njengaloku abenjalo Khristu natsi sinjalo kulomhlaba.

—1 yaJohane 4:17

Bantfu bamiselwe kutsi bafe kanye, bese kutsi emvakwaloko bayekwehlulelwa.

—KumaHebheru 9:27

Ngabona labafile, labakhulu nalabancane, beme embikwaso lesihlalo sebukhosi. Tincwadzi tavulwa. Naleny incwadzi yavulwa, incwadzi yekuphila. Labafile behlulelwa ngekwemisebenti yabo.

—Sembulo 20:12a

Ngako-ke, sonkhe siyakulandza ngatsi matfupha ngamunye ngamunye kuNkulunkulu. —KubaseRoma 14:12

Kodvwa sono sa-Adamu singeke si-linganiswe nesipho saNkulunkulu semusa; ngobe nangabe ngesiphambuko semuntfu munye kwafa labanyenti, kakhulu kangakanani-ke ngesipho lesingumuntfu longuJesu Khristu, umusa waNkulunkulu wenela bantfu labanyenti. —KubaseRoma 5:15

Ngako-ke akuyi ngekutsandza nangekutihlupha kwemuntfu, kodvwa kuya ngebubele baNkulunkulu. —KubaseRoma 9:16

“Nkulunkulu umelana nalabatigcabhako, kodvwa labatfobekile ubapha umusa.” —1 yaPhetro 5:5b

Ngobe niyawati umusa weNkhosi yetfu Jesu Khristu, kutsi nome abe-

cebile, kodvwa ngenca yenu waba luphuya, kuze kutsi ngebuphuya bakhe anente nicebe.

—2 kubaseKhorinte 8:9

Kodvwa ngekwandza kwesono nemusa waNkulunkulu wandza kakhulu. Ngakho-ke, njengobe sono sabusa kwaba kufa, ngalokufananako kubusa kwemusa kwaba kulunga lokusiholela ekuphileni kwaphakadze ngaJesu Khristu iNkhosi yetfu.

—KubaseRoma 5:20b, 21

Ngemandla lamakhulu baphostoli banika bufakazi ngekuvuka kweNkhosi Jesu, naNkulunkulu wehlisela imvula yetibusiso etikwabo bonkhe.

—Imisebenti yebaPhostoli 4:33

“Nkulunkulu watitsalalisela tikhatsi tekungati kwebantfu, kepha-ke manje sewuyala bantfu bonkhe etindzaweni tonkhe kutsi baphendvuke.”

—Imisebenti yebaPhostoli 17:30

Cha! Nginitjela kutsi, nangabe nani ningatishiyi tonono tenu, niyakubhubha njengabo.

—Lukha 13:3

Atsi: “Phendvukani, ngobe umbuso welizulu sewusondzele.”

—Matewu 3:2

Phetro waphendvula watsi: “Phendvukani nibhajatiswe nonkhe ngamunye ngamunye egameni laJesu Khristu, kuze nitsetselelwe tonono tenu nemukeliswa nesipho lesinguMoya lo-

Ngcwele. Ngako, phendvukani, nibuyele kuNkulunkulu, kuze esule licala letono tenu.”

—Imisebenti yebaPhostoli 2:38; 3:19

Jesu wachubeka watsi: “Ngalokufananako, ngitsi kini: Kuyakuba khona kutfokota lokukhulu ezulwini ngesoni sinye lesiphendvukako kunebantfu labalungile labangema-99 labangakudzingi kuphendvuka.”

—Lukha 15:7

Kudzabuka lokukwaNkulunkulu kuveta kuphendvuka kube kusindziswa, kubete kutisola ngako; kodvwa kudzabuka lokukwemhlaba kuveta kufa.

—2 kubaseKhorinte 7:10

Nekutsi egameni lakhe kumelwe kushunyayelwe etiveni tonkhe kuphendvuka kube kutsetselelwa kwetono, kucalwe eJerusalema.

—Lukha 24:47

Yena watsi: “Kute, Nkhosi.” Jesu watsi: “Nami-ke angikulahli. Hamba ungabe usona.”

—Johane 8:11

“Ngobe nangabe niyabatsetselela bantfu tonono tabo, neYihlo losezulwini uyakunitsetselela.”

—Matewu 6:14

Jesu abona kukholwa kwabo, watsi kuye: “Mntfwanami, tonono takho tisetselelwe.”

—Makho 2:5

“Akuateke kini kutsi ngaye lowo muntfu [Jesu] kutsetselelwa kwetono

kuyashunyayelwa kini. Nkulunkulu wamenyusela ngasesandleni sakhe sekudla njengeMholi weMsindzisi, kuze anike bantfu baka-Israyeli litfuba lekuphendvuka, kutsetselelwe tonono tabo.”

—Imisebenti yebaPhostoli 13:38b; 5:31

“Lalela la, ngime emnyango ngiyannconcotsa; nangabe umuntfu eva livi lami, avule umnyango, mine ngiyakungena kuye, ngidle naye, naye adle nami.”

—Sembulo 3:20

Kodvwa phatsanani ngebumnene, nihawukelane, nitsetselelane, njengobe naNkulunkulu wani-tsetselela nga-Khristu.

—Kubase-Efesu 4:32

Empeleni umusa waNkulunkulu wekusindzisa ubonakalisiwe kubo bonkhe bantfu. Lomusa usifundzisa kutsi sikudzele kungakholwa, nekutsi sitilumule etinkhanukweni telive, bese siphila ngekuzitsa, nangekulunga, nangekumesaba Nkulunkulu kulomhlaba. —KuThithusi 2:11, 12

Nakekelani tintfo tasezulwini, ninganaki tintfo talapha emhlabeni. —KubaseKholose 3:2

Ningalitsandzi live netintfo letiseveni. Nangabe umuntfu atsandza live, lutsandvo lwaBabe alukho kuye. Ngobe konkhe lokuseveni, kuyinkhanuko yenyama, nenkhanuko yeme-

hlo, nekutigabatisa lokulite ngetintfo takulomhlaba. Konkhe loku akuveli kuBabe, kodvwa kwelive.

—1 yaJohane 2:15, 16

Aniketsembeki, ninjengetiphingi. Anati yini kutsi kutsandzana nelive kubutsa kuNkulunkulu? Lofisa kuba ngumngani welive, utenta sitsa kuNkulunkulu. —LeyaJakobe 4:4

Gezani, nihlanzeke, nisuse ububi bezenzo zenu phambi kwamehlo ami, niyeke ukwenza okubi.

—Ulsaya 1:16

Ningahlanganyeli emisebentini yebumnyama, lete titselo, kunaloko ni-boyeneka ebaleni.

—Kubase-Efesu 5:11

28 KUTALWA KABUSHA

Lisela litela kweba, nekubulala, nekubhubhisa. Mine ngitele kwekutsi bantfu babe nekuphila; babe nako kuphuphume. —Johane 10:10

Nanati kutsi ulungile, ningahlala nineliciniso lekutsi wonkhe lowenta kulunga, utelwe nguye. Siyati kutsi wonkhe umuntfu lotelwe nguNkulunkulu akoni, ngobe iNdvodzana yaNkulunkulu iyamgcina, naLomubi akamtsintsi. —1 yaJohane 2:29; 5:18

Ngako-ke nangabe umuntfu aku-Khristu, usidalwa lesisha; tintfo letindzala setendlulile, konkhe sekweniwe kwaba kusha.

—2 kubaseKhorinte 5:17

Jesu watsi kuye: “Ngicinisile, ngicinisile, ngitsi kuwe: Ngaphandle

kwekutsi umuntfu atalwe kabusha ngekwasezulwini, angeke awubone umbuso waNkulunkulu!”

—Johane 3:3

Nangcweliswa, nemukeleka kuNkulunkulu kutsi nilungile egameni leNkhosi Jesu Khristu nangaMoya waNkulunkulu wetfu.

—1 kubaseKhorinte 6:11b

Phela senitelwe kabusha ngelivi laNkulunkulu lelingabhubhi, kodvwa leliphila phakadze naphakadze.

—1 yaPhetro 1:23

Ngiyakuninika inhliziyo entsha, ngifake phakathi kwenu umoya omusha, ngikhiphe inhliziyo yetshe enyameni yenu, ngininike inhliziyo yenyama. —UHezekeli 36:26

KUFA ESONWENI — KUVUKA KUKHRISTU 29

Univusile nani lebenifile ngenca yetiphambuko netono tenu. Wasivusa kanye naKhristu Jesu, wabuye wasihlalisa kanye naye sikuye, embusweni welizulu. —Kubase-Efesu 2:1, 6

Khristu cobo lwakhe wetfwala tono tetfu emtimbeni wakhe, emtsini, kuze kutsi tsine singabe sisabuswa tono kodvwa siphile ekulungeni. “Niphiliswe ngemivimbo yakhe.”

—1 yaPhetro 2:24

Nangabe-ke navuswa kanye naKhristu, funani tintfo tasezulwini la-pho Khristu ahleti ngesekudla sa-Nkulunkulu. Nakekelani tintfo tasezulwini, ninganaki tintfo talapha emhlabeni. Ngobe phela nafa, imphilo yenu ifihliwe kanye naKhristu

kuNkulunkulu. Mhlazana Khristu, lo-kuphila kwetfu, abonakaliswa, nani niyakubonakaliswa kanye naye ebukhosini bakhe.

—KubaseKholose 3:1-4

BaKhristu Jesu bayibetsele esiphambanweni inyama nekushangashanga kwayo kanye netinkhanuko tayo. Njengobe siphila kuMoya, ngako asihambe ngaMoya.

—KubaseGalathiya 5:24, 25

Cha, akungabi njalo. Tsine lesesafa sehlukana nesono, pho, singachubeka kanjani siphile kuso? Kanjalo nani kufanele nitsatse ngekutsi nifile nehlukana nesono, kodvwa niphilela Nkulunkulu nikuKhristu Jesu.

—KubaseRoma 6:2, 11

“Njengobe naMosi aphakamisa inyoka ehlane, kanjalo-ke neNdvodzana yeMuntfu ifanele kuphakanyiswa, kuze kutsi wonkhe umuntfu lokholwa ngiyo abe nekuphila lokuphakadze.”
—Johane 3:14, 15

Kuphila lokuphakadze nguloku: kutsi bakwati wena, Nkulunkulu longuye yedvwa weliciniso, bamati naJesu Khristu lomtfumile. —Johane 17:3

“Lokholwa yiNdvodzana, unekuphila lokuphakadze, kodvwa longakholwa yiNdvodzana, ute kuphila lokuphakadze; kodvwa lulaka lwaNkulunkulu lulengela etikwakhe.”
—Johane 3:36

...kodvwa siphos semusa saNkulunkulu sikuphila lokuphakadze ngaKhristu Jesu iNkhosi yetfu.
—KubaseRoma 6:23

“Ngicinisile, ngicinisile, ngitsi kini: Lowo lova livi lami akholwe ngulongitfumile, unekuphila lokuphakadze. Akayi ekwehlulelweni, kodvwa sewuphumile ekufeni, wangena ekuphileni.”
—Johane 5:24

Nangemusa wakhe...kepha nyalo sewembulwe ngekubonakaliswa kweMsindzisi wetfu Khristu Jesu lowakucitsa kufa; kuphila nekungabhubhi wakuletsa ekukhanyeni ngeliVangeli.
—2 kuThimothi 1:9b, 10

KUCINISEKA NGENSINDZISO

31

NguMoya locobo lofakazelana nemoya wetfu kutsi sibantfwana baNkulunkulu. —KubaseRoma 8:16

Bufakazi nguloku kutsi Nkulunkulu wasinika kuphila lokuphakadze, nalokuphila kuseNdvodzaneni yakhe. Wonkhe umuntfu loneNdvodzana, unekuphila; kantsi lowo lote iNdvodzana yaNkulunkulu, ute kuphila. Nginibhalela loku nine, lenikholwa egameni leNdvodzana yaNkulunkulu, kuze nati kutsi ninekuphila lokuphakadze. —1 yaJohane 5:11-13a

“Lowo lonemiyalo yami futsi ayigcine, nguyekelongsandzako. Lo-

wo lotsandza mine uyakutsandvwa nguBabe, nami ngiyakumtsandza ngitibonakalise kuye.” —Johane 14:21

Nasigcina imiyalo yakhe, sineliciniso lekutsi siyamati yena.

—1 yaJohane 2:3

Njengobe ningemadvodzana akhe nje, Nkulunkulu usitfumelele Moya weNdvodzana yakhe etinhlityweni tetfu lobubula atsi: “Babe, Babe wami.” —KubaseGalathiya 4:6

Umsebenzi wokulunga uyakubangukuthula, impumelelo yokulunga ibengukulondeka kuze kube-phakade.

—Ulsaya 32:17

KUHLALA KWAKHRISTU KUMUNTFU KUNIKA INTFOKOTO

“Kodvwa manje sengita kuwe, leti-ntfo ngitikhuluma ngiselapha emhlabeni, khona batekuba nekutfokota lokuphelele etinhlityweni tabo.”

—Johane 17:13

Kodvwa ngitakuphindze nginibone futsi, tinhlityo tenu tiyakujabula kakhulu.

—Johane 16:22b

Ngobe umbuso waNkulunkulu awusiko kudla nekunatsa, kepha ukulungana nekuthula, nekujabula kuMoya loNgcwele.

—KubaseRoma 14:17

Niyamtsandza, nome ningazange senimbone; niyakholwa kuye nome ningakamboni, futsi nitfokota ngenjabulo lengenakuchazeka ngemavi emlomo.

—1 yaPhetro 1:8

Ngako-ke mine angisaphili, kodvwa nguKhristu lophila kimi. Nalemphilo lengiyiphilako kulomtimba, ngiyiphila ngekukholwa yiNdvodzana yaNkulunkulu leyangitsandza yatinikela yona matfupha esikhundleni sami.

—KubaseGalathiya 2:20

“Senginitjele konkhe loku, kuze kutsi kujabula kwami kuhlale kini, nekutsi kujabula kwenu kupheleli-swe.”

—Johane 15:11

Uyakungifundzisa indlela yekuphila. Lapho kukhona khona wena kunekujabula lokuphelele. Esandleni sakho sangesekudla kunekujabula phakadze naphakadze.

—Tihlabelelo 16:11

KULALELA INKHOSI NGIKO LOKUFUNEKAKO 33

Ngobe akusibo labawuvako umtsetfo labalungile kuNkulunkulu, kepha ngulabo labawentako umtsetfo labayakwemukelwa nguNkulunkulu ngekutsi balungile. –KubaseRoma 2:13

Anati yini kutsi lowo lenitinikele kuye nitigcili takhe tekumlalela? Nitigcili talowo lenimlalelako, nome tesono kube kufa, nome tekulalela Nkulunkulu kube kwemukeleka kuye kutsi nilungile. –KubaseRoma 6:16

Bese uletsa kuphumula kini nine lenihluphekako, kanye nakitsi ngesikhatsi iNkhosi Jesu yembulwa ivela ezulwini, ikanye netingilosi tayo letinemandla. INkhosi iyakuvela emala-

ngabini emlilo, ijezise labo labangamati Nkulunkulu, nalabo labangalilaleli liVangeli leNkhosi yetfu Jesu. Bayakujeziswa ngekubhujiswa kwaphakadze balunyulwe ebukhoneni beNkhosi nasenkhatimulweni yemandla ayo. –2 kubaseThesalonika 1:7-9

Nibe benti belivi, ningabi balaleli kuphela nje, nitikhohlisa.
–LeyaJakobe 1:22

“Babusisiwe labo labatigezako tingubo tabo, kuze kutsi babe nelilungelo lekudla esihlahleni sekuphila, babe nelilungelo lekungena ngemasango ekhaya.” –Sembulo 22:14

34 KUVUMA KHRISTU NGIKO LOKUFUNEKAKO

Netilimi tonkhe tivume kutsi Jesu Khristu uyiNkhosi, kube ludvumo kuNkulunkulu longuYise.

—KubaseFiliphu 2:11

“Ngako-ke wonkhe loyakungivuma embikwebantfu, nami ngiyakumvuma embikwaBabe losezulwini. Kodvwa lowo longiphika embikwebantfu, nami ngiyakumphika embikwaBabe losezulwini.”

—Matewu 10:32, 33

Lowo lovuma kutsi Jesu uyiNdvodzana yaNkulunkulu, Nkulunkulu uhlala kuye, naye uhlala kuNkulunkulu.

—1 yaJohane 4:15

Nangabe uyavuma ngemlomo wakho kutsi Jesu uyiNkhosi, ukholwe

nasenhltiyweni yakho kutsi Nkulunkulu wavusa Jesu kulabafile, utakusindziswa. Ngobe umuntfu uyakholwa ngenhltiyoyentiwe emukeleke kuNkulunkulu kutsi ulungile, avume ngemlomo wakhe kube kusindziswa kwakhe.

—KubaseRoma 10:9, 10

Lowo lo-phika iNdvodzana, ute Nkulunkulu uYise; kantsi lowo lovuma iNdvodzana unaye, Nkulunkulu uYise.

—1 yaJohane 2:23

Nangabe umuntfu unemahloni ngami nangemavi ami, neNdvodzana yeMuntfu iyakuba nemahloni ngaye nayita ngenkhatimulo yayo nangebukhosi beYise kanye neyetingilosi letingwele.

—Lukha 9:26

SATHANE — SITSA SETFU LESIKHULU KAKHULU 35



Zitsani, nilindze. Sitsa senu, Sathane, siyangaza emkhatsini wenu njenge-libhubhesi lelibhodlako, sitfungatsa lesingahle simmite. Melanani naso nicinile ekukholweni. —1 yaPhetro 5:8, 9a

Khona lapho nje Jesu waholelwa nguMoya waNkulunkulu ehlane, kuze atekulingwa nguSathane. Jesu watsi kuye: “Suka, Sathane, ngobe kubhaliwe kutsi: ‘Ubokhonta iNkhosi, Nkulunkulu wakho, umkhotsamele yena yedvwa!’ ” Wesuka Sathane wamshiya, kwase kufika tingilosi titekusita Jesu. —Matewu 4:1, 10, 11

Kwekugcina, cinani eNkhosini nase mandleni ayo lamakhulu. Hlomani tonkhe tikhali taNkulunkulu, khona nitekuba nemandla ekumelana nebucili baSathane.

—Kubase-Efesu 6:10, 11

Tikhali lesilwa ngato akusito telive, kodvwa tikhali taNkulunkulu letinemandla ekubhidlita tincaba, ticitse tinkhulumo letingenamsebenti.

—2 kubaseKhorinte 10:4

Nine nibeyihlo Sathane. Nitsandza kwenta tinkhanuko teyihlo. Yena abevele angumbulali webantfu kusukela ekucaleni, akemi ecinisweni, ngobe liciniso kute kuye...ngobe ungumcambimanga neyise wawo onkhe emanga. —Johane 8:44

Ngako-ke njengobe bantfwana baba bantfu, naye-ke Jesu waba ngumuntfu njengabo, kuze kutsi abhubhise Sathane labenemandla etikwekufa.

—KumaHebheru 2:14

Umuntfu lowonako waSathane, ngo-be Sathane wona kusukela ekucaleni. Kodvwa iNdvodzana yaNkulunkulu yetela kona loko, kucitsa imisebenti yaSathane.

—1 yaJohane 3:8

“Utakuvula emehlo abo, kuze besuke ebumnyameni bagucukele ekukhanyeni besuke nasemandleni aSathane baye kuNkulunkulu, kuze batsetselelwe tono tabo babelwe nendzawo emkhatsini walabahlantwe ngekukhola kimi.”

—Imisebenti yebaPhostoli 26:18

Pho, ngubani-ke longasehlukana nelutsandvo lwaKhristu: kuhlupheka nome bulukhuni, nome kutingelwa, nome yindlala, nome kuhlubula, nome yingoti, nome kufa? Kepha kuko konkhe loku siyancoba nekuncoba ngaye lowasitsandza.

—KubaseRoma 8:35, 37

Ngako-ke tfobelani Nkulunkulu, kodvwa nimelane naSathane, uyakunibalekela. Sondzelani kuNkulunkulu.

—LeyaJakobe 4:7, 8a

Manje sesikhatsi sekwehlulelwa kwalelive, nembusi walelive sewutakucitfwa.

—Johane 12:31

LUTSANDVO, SIVIVINYO SEBUFUNDZI LOBUNGIBO 37

Nome ngikhuluma ngetilimi tebantfu netetingilosi, kepha nangite lutsandvo, ngiyatikhulumela nje, ngifanana nelitfusi lelikhencetako nome insimbi lencencetsako.

—1 kubaseKhorinte 13:1

Kodvwa titselo taMoya nguleti: lutsandvo, nekujabula, nekuthula, neku-beketela, nebubele, nekulunga, nekwetsembeka, nekutfobeka, nekutibamba; kute umtsetfo lophambene nale-tintfo. —KubaseGalathiya 5:22, 23a

Waphindza Jesu watsi kuye: “Simoni, msa waJohane, uyangitsandza yini?” Watsi kuye: “Yebo, Nkhosi, uyati kutsi ngiyakutsandza.” Jesu wa-

tsi kuye: “Yelusa timvu tami.”

—Johane 21:16

Umuntfu nakatsi: “Ngiyamtsandza Nkulunkulu,” kepha abe atondza umzalwane wakhe, ungulocalemanga; ngobe umuntfu longamtsandzi umzalwane wakhe lambonako, angeke amtsandze Nkulunkulu langazange a-sambone. —1 yaJohane 4:20

“Nanitsandzanako, bonkhe bantfu bayakunati kutsi nibafundzi bami.”

—Johane 13:35

Siyati kutsi sesiphumile ekufeni, sangingena ekuphileni, ngobe sitsandza bazalwane; lote lutsandvo usekufeni.

—1 yaJohane 3:14

38 KUVUKA KWAJESU KHRISTU KULABAFILE

Jesu asavukile ekufeni ekuseni nge-
liSontfo, lilanga lekucala evikini, wa-
tibonakalisa kucala kuMariya wase-
Magadala, lona labekhiphe kuye ema-
dimoni lasikhombisa. —Makho 16:9

Wanikelelwa kutsi afe ngenca yeti-
phambuko tetfu, wavuswa khona ate-
kusenta semukeleke kuNkulunkulu
kutsi silungile. —KubaseRoma 4:25

“Tsine sibofakazi bako konkhe loko
labekwenta eveni lemaJuda kanye na-
seJerusalema. Bambulala ngekumbe-
tsela esiphambanweni. Kodvwa Nku-
lunkulu wamvusa ekufeni ngelilanga
lesitsatfu, wambonakalisa; noko aka-
bonwanga ngabo bonkhe bantfu, ko-
dvwa ngitsi kuphela lesibofakazi, tsi-

ne lesasivele sikhethfwe nguNkulu-
nkulu. Sadla sanatsa naye ngemuva
kwekuvuswa kwakhe nguNkulunkulu
ekufeni.”

—Imisebenti yebaPhostoli 10:39-41

Kwatsi sekwendlule liviki bafundzi
bakhe bandzawonye futsi kuyona le-
yondlu, naTomase akhona, iminya-
ngo ikhiyiwe, Jesu wefika wema e-
mkhatsini wabo, watsi: “Kuthula a-
kuba kini!” Jesu watsi kuTomase: “Fa-
ka umuno wakho la, ubone tandla ta-
mi; welule nesandla sakho, usifake
emhlubulweni wami. Khawula
kungakholwa, kodvwa bani ngulo-
kholwako!” Tomase waphendvula
watsi: “Nkhosi yami, Nkulunkulu
wami!”

—Johane 20:26-28

KUVUKA KULABAFILE LITSEMBA LETFU LASENKHATIMULWENI

39

“Sikhatsi siyeta, nanyalo sesifikile lapho labafile bayakuliva livi leNdvozana yaNkulunkulu, nalabo labaliva-ko bayakuphila. Kunganimangalisi lo-ko, ngobe sikhatsi siyeta lapho bo-nkhe bantfu labasemathuneni bayaku-liva livi layo. Labo labente kulunga bayakuvukela ekuphileni, labente lo-kubi bayakuvukela ekulahlweni.”

—Johane 5:25b, 28, 29

Kantsi anati yini kutsi tsine sonkhe lesabhajatiselwa kuKhristu Jesu, sabhajatiselwa ekufeni kwakhe? Ngako-ke ngekubhajatiswa kwetfu sangcwa-tjwa kanye naye, kuze kutsi njengobe Khristu avuswa kulabafile ngemandla ebukhosi baBabe, kanjaloke natsi si-

ngayiphila imphilo lensha. Nangabe saba munye naye ekufeni kwakhe, ngemphele siyakuba munye naye na-sekuvukeni kwakhe.

—KubaseRoma 6:3-5

Kodvwa nangabe Khristu akini, no-me umtimba wenu ufa ngenca yeso-no, noko Moya uninika kuphila, ngo-be senentiwe nemukeleka kuNkulu-nkulu kutsi nilungile. Kodvwa nanga-be Moya waNkulunkulu lowavusa Je-su kulabafile, ahlala kini, lowo lowa-vusa Khristu Jesu kulabafile uyaku-phindze aninike kuphila emitimbeni yenu lebhuhako niphile ngebukhona baMoya wakhe lohlala kini.

—KubaseRoma 8:10, 11

Ngobe ibahambele bantfu bayo, ... kutsi, nasesikhululiwe esandleni setitsa tetfu, simkhonte ngaphandle kwekwesaba, sibe ngcwele, silunge kuye ngawo onkhe emalanga ekuphila kwetfu. —Lukha 1:68b, 74, 75

Bazalwane, njengobe letetsembiso titetfu, asitihlante kuko konkhe lokungcolisa umtimba nemoya, siphile imphilo yebungcwele lobuphelele ngekwesaba Nkulunkulu.

—2 kubaseKhorinte 7:1

Bazalwane betfu, nafundza kitsi kutsi nifanele nitiphatsela njani kuze nija-bulise Nkulunkulu, njengobe beseni-vele nenta. Ngako-ke ngiphetsa nge-kunincenga kutsi nichubeke nikhutsa-le kakhulu kukwenta loko, ngobe ni-

yayati imiyalo lesaninika yona nge-Nkhosi Jesu. Kuyintsandvo yaNkulunkulu kungcweliswa kwenu, bubalekeleni bugwadla nebuphingi. Ngamunye ngamunye wenu kufanele akwati kutiphatsela yena umtimba wakhe, awuphatse ngebungcwele nangekuhlonipheka. Nkulunkulu akasibitelanga ebugwadleni nasebuphingini, kepha wasibitela ebungcweleni.

—1 kubaseThesalonika 4:1-4, 7

Ngako-ke, njengobe lowo lonibitile angcwele, nani-ke banini ngcwele kuko konkhe kuhamba kwenu. UmBhalo utsi: “Banini ngcwele, ngobe nami ngingcwele.”

—1 yaPhetro 1:15, 16

Kwatsi nemhlaba ungakasekelwa, Nkulunkulu wasikhetsa ngaKhristu, kuze sibe ngcwele, singabi nasici emehlweni akhe. Yembatsani umuntfu lomusha, lowadalwa wafuta Nkulunkulu ngekulunga nangebuncwele beliciniso. —Kabase-Efesu 1:4; 4:24

Yetamani kuba nekuthula nabo bonkhe bantfu, nifune kungcwelisa, ngobe kute loyakuyibona iNkhosi angakangcweliswa.

—KumaHebheru 12:14

Ngiko nje naJesu wafela ngephandle kwelisango, kuze atekungcwelisa bantfu ngengati yakhe.

—KumaHebheru 13:12

Kodvwa nasitivuma tono tetfu, Nkulunkulu wetsembekile, futsi ulungile, utasitsetselela tono tetfu abuye asi-hlambulule kuko konkhe kungalungi. —1 yaJohane 1:9

Njengobe-ke tonkhe letintfo titakubhidlitwa kanjalo, nine-ke kufanele nibe bantfu labanjani? Kufanele niti-nikele ngalokuphelele kuNkulunkulu, niphile ngekumesaba yena.

—2 yaPhetro 3:11

Ligama laSimakadze linikeni bukhosi lobulifanele. Khontani Simakadze ngetembatfo tebungcwele.

—Tihlabelelo 29:2

BANTFU LABAGCWALISWE NGAMOYA LONGCWELE

“Nome ningakalungi kodvwa niya-
kwati kupha bantfwabenu tintfo leti-
nhle, kakhulu kangakanani-ke, Babe
losezulwini utakubanika Moya lo-
Ngcwele labo labamcelako.”

–Lukha 11:13

Nabacedza kuthandaza, lendzawo
babehlange kuyo yatanyatanyiswa.
Bonkhe bagcwaliswa ngaMoya lo-
Ngcwele, bacala bakhuluma livi la-
Nkulunkulu ngesibindzi.

–Imisebenti yebaPhostoli 4:31

Kodvwa Stefano agcwele Moya lo-
Ngcwele, wabuka ezulwini wabona
bukhatikhati baNkulunkulu, naJesu e-
me ngasesandleni sekudla saNkulu-
nkulu. –Imisebenti yebaPhostoli 7:55

Kepha nine anibuswa yinyama, ko-
dvwa nibuswa nguMoya, nangabe phe-
la Moya waNkulunkulu ahlala kini.
Umuntfu longenaye Moya waKhristu,
akasiye waKhristu.

–KubaseRoma 8:9

“Kodvwa nine nitakugcwaliswa
ngemandla, nasefikile kini Moya lo-
Ngcwele, nitakuba bofakazi bami.”

–Imisebenti yebaPhostoli 1:8a

Bafundzi base-Antiyokhi bagcwala
kujabula naMoya loNgcwele.

–Imisebenti yebaPhostoli 13:52

Ningadzakwa, ngobe kuvela kuko
inkhanuko, kodvwa gcwaliswani nga-
Moya. –Kubase-Efesu 5:18

TITSEMBISO LETIMANGALISAKO LETICONDZENE NEMAKHRISTU

43

Jesu watsi kuye: “Utsi: Nakukhona longakwenta.” Phela konkhe kuyenteke kulowo lokholwako.

—Makho 9:23

“Sekuze ngunyalo anikaceli lutfo e-gameni lami. Celani nitakuphiwa, kuze kutfokota kwenu kuphelele.”

—Johane 16:24

Batsandzekako, ningamangaliswa ngulokuvivinywa lokubuhlungu kakhulu lokunikhantingako, kube shangatsi nehlelwa yintfo lengakavami. Kodvwa tfokotani, ngobe ninesabelo etinhlophekweni taKhristu, kuze kutsi nitfokote kakhulu nakwembulwa bukhosi bakhe. —1 yaPhetro 4:12, 13

“Uyakwesula tonkhe tinyembeti emehlweni abo, sekuyakubate kufa, nekulila, nekukhala, nebuhlungu, ngobe kwakucala sekwendlulile.”

—Sembulo 21:4

Kodvwa funani kucala umbuso wa-Nkulunkulu kanye nekulunga kwakhe, khona tonkhe letintfo titakwengetelwa kini.

—Matewu 6:33

“Nibokwati kutsi mine nginani onkhe emalanga, kuze kube ngusekupheleni kwetikhatsi.”

—Matewu 28:20b

Simakadze uhlala asedvute nabo labanetinhlitiyo letephukile uyabasi-ndzisa labanemoya lowephukile.

—Tihabelelo 34:18

44 TITSEMBISO LETICONDZENE NALABALINGWAKO

Njengobe naye matfupha wahlupheka alingwa, unawo emandla ekubasita labo labalingwako.

—KumaHebheru 2:18

Nkulunkulu, longumtfombo weku-thula, uyakumpitjita masinyane Sathane ngaphansi kwetinyawo tenu.

—KubaseRoma 16:20a

Ngobe lolusizi lwetfu luncane futsi lwesikhashana, lusilungiselela inkhatimulo lengenakulinganiswa, yaphakadze.

—2 kubaseKhorinte 4:17

Anifikelwanga kulingwa lokwehlukile kunekwalabanye bantfu. Kepha Nkulunkulu wetsembekile, yena angeke avume kutsi nilingwe ngalokungetulu kwemandla enu. Ngesikhatsi sekulingwa utaninika emandla ekuma,

anentele nendlela yekuphepha.

—1 kubaseKorinte 10:13

Ubusisiwe umuntfu lociniselako ekulingweni ngobe nasaphumelele ekuvivinyweni kwakhe, uyakwemukeliswa umchele wekuphila lowetsenjiswa yiNkhosi kulabo labayitsandzako.

—LeyaJakobe 1:12

Siyati kutsi Nkulunkulu usebentisa konkhe kube lusito kulabo labamtsandzako, lababitwe ngekwenjongo yakhe.

—KubaseRoma 8:28

LomPhristi wetfu loMkhulu akasiye lowehluleka kuvelana natsi ebutsakatsakeni betfu, kodvwa walingwa ngayo yonkhe indlela njengatsi, noko akazange one. —KumaHebheru 4:15

TITSEMBISO LETICONDZENE NALABANCOBAKO 45

“Lowo loncobako uyakudla lifa lato tonkhe letintfo: Mine ngiyakuba ngu-Nkulunkulu wakhe, yena abe yindvo-dzana yami.”
—Sembulo 21:7

“ ‘Loncobako ngiyakumenta insika ethempelini laNkulunkulu wami, angeke aphume kulo, ngiyakubhala kuye ligama laNkulunkulu wami, ngibhale neligama lemuti waNkulunkulu wami, iJerusalema lensha leyehla iphuma ezulwini kuNkulunkulu wami, neligama lami lelisha ngilibhale kuye.’ ”
—Sembulo 3:12

“ ‘Lowo loncobako uyakwembatsiswa tingubo letimhlophe, neligama lakhe ngingeke ngilesule encwadzini yekuphila. Ngiyakumfakazela embi-

kwa Babe nasembikwetingilosi takhe kutsi wami.’ ”
—Sembulo 3:5

“ ‘Lowo loncobako, ngiyakumhlalisa kanye nami esihlalweni sami sebukhosi, njengobe nami ngancoba ngahlala na-Babe esihlalweni sakhe sebukhosi.’ ”
—Sembulo 3:21

“ ‘Lowo lonendlebe akeve loko lokushiwo nguMoya emabandleni! Loncobako ngiyakumnika kutsi adle esihlahleni sekuphila, lesisePharadisi yaNkulunkulu.’ ”
—Sembulo 2:7

“ ‘Lowo loncobako ente intsandvo yami kuzé kubesekupheleni ngiyakumnika emandla etikwetive.’ ”
—Sembulo 2:26

NKULUNKULU UKHULUMA KITSI NGEKWEHLUKANA KWALABASHADILE

Kepha labashadile ngiyabayala, kungesimi kodvwa kuyiNkhosi, kutsi umfati angehlukani nendvodza yakhe. Kepha nangabe ehlukana nayo, akahlale angendzi, nome-ke abuyisane nendvodza yakhe; nendvodza ingamlahli umfati wayo. Ngekwemtsetfo umfati uboshelwe endvodzeni nayisaphila; kepha nangabe indvodza seyifile, sewukhululekile, angendza nome ngukubani, kuye ngekubona kwakhe, kuphela nje kutsi kube ngusentsandvweni yeNkhosi. —1 kubaseKhorinte 7:10, 11, 39

Njengekutsi nje, umfati losendzile umtsetfo umbophele endvodzeni yakhe nayisaphila; kodvwa nayifa, sewukhululekile kulomtsetfo bewumbophele ku-

lendvodza yakhe. Ngako-ke, umfati nakahlala nalenye indvodza, kantsi indvodza yakhe isaphila, ubitwa ngekutsi yingwadla. Kodvwa nakufa lendvodza yakhe, ngekwemtsetfo sewungumfati lokhululekile, futsi angeke abitwe ngekutsi yingwadla, nome angendza kulenye indvodza.

—KubaseRoma 7:2, 3

“Nangabe indvodza ilahla umkayo bese iteka lomunye umfati, iyaphinga; nendvodza letsatsa umfati lolahliwe, iyaphinga.” —Lukha 16:18

“Kepha mine ngitsi: Lowo lolahla umkakhe ngaphandle kwebugwadla, uyamphingisa; nalotsatsa umfati lolahliwe, uyaphinga.” —Matewu 5:32

KUBUYA KWESIBILI KWAJESU KHRISTU 47

“Nasengiyile nganilungisela indzawo, ngiyakubuya nginilandze, nite kimi, kuze kutsi lapho ngikhona nibe khona nani.”
—Johane 14:3

“Lapho-ke kuyakubonakala sibonakaliso seNdvodzana yeMuntfu esibhakabhakeni; tonkhe tive temhlaba tiyakukhala natibona iNdvodzana yeMuntfu ita ngemafu elizulu, ngemandla, nangenkhatimulo lenkhulu.”
—Matewu 24:30

Batsandzekako, nyalo sibantfwana bankulunkulu, noko akukabonakali kutsi siyakuba yini. Lesikwatiko kutsi ngesikhatsi achamuka siyakuba njengaye, ngobe siyakumbona njengobe

anjalo. Wonkhe umuntfu lonalo lelotsemba kuKhristu uyatihlambulula, njengobe naKhristu ahlambulukile.
—1 yaJohane 3:2, 3

“Lowo lonemahloni ngami, nangemavi ami, kulesitukulwane lesonakale nalesiphingako, neNdvodzana yeMuntfu iyakuba nemahloni ngaye, nayifika ebukhosini beYise kanye netingilosi letingcwele.” —Makho 8:38

“Ngobe iNdvodzana yeMuntfu itakufika ngenkhatimulo yeYise, ikanye netingilosi tayo, ngulapho-ke iyakhokhela wonkhe umuntfu njengekwenta kwakhe.” —Matewu 16:27

48 LIVI LANKULUNKULU

Kute sipholofetho lesake seta nge-ntsandvo yemuntfu; kodvwa bantfu bakhuluma lokukwaNkulunkulu, bachutjwa nguMoya loNgcwele.

—2 yaPhetro 1:21

Yonkhe imiBhalo icuketse Moya waNkulunkulu; ilungele kufundziswa nekusola, nekucondzisa, nekuyala ngekulunga.

—2 kuThimothi 3:16

Livi laNkulunkulu liphilile, linemandla; likhalipha kwengca inkemba lesika ngetinhlangothi totimbili. Lisika lidzimate lehlukane u-mphefumulo nemoya, emalunga nemnkantja, lehlulele imicabango netifiso tenhlitiyo.

—KumaHebheru 4:12



THANTAZA, BESE UYATSETSELELA

“Nanithandazako nibotsi: ‘Babe wetu losezulwini, alingcweliswe ligama lakho. Umbuso wakho awute. Intsandvo yakho ayentiwe emhlabeni, njengobe yentiwa ezulwini. Siphe lamuhla kudla kwetfu njengasemalangenini onkhe. Sitsetselele tono tetfu, njengobe natsi sibatsetselela labasonako. Ungasingenisi ekulingweni, kodvwa usisindzise kulokubi. (Ngobe umbuso wakho, nemandla, nebukhosi, kuze kube phakadze. Amen.)’ Ngobe nangabe niyabatsetselela bantfu tono tabo, neYihlo losezulwini uyakunitsetselela. Kodvwa naningabatsetseleli bantfu tono tabo, neYihlo angeke anitsetselele tono tenu.”

—Matewu 6:9-15

INDLELA YANKULUNKULU YENSINDZISO

Ngidzinga uMsindzisi.

Bonkhe bantfu bonile, bakhashane kakhulu nenkhatimulo yaNkulunkulu. —KubaseRoma 3:23

Khristu wangifela.

Khristu wafela tonono tetfu, kwaba kanye, kwenela. —1 yaPhetro 3:18a

***Ngidzinga kuphendvuka
esonweni sami.***

Ofihla iziphambeko zakhe akayikuphumelela, kepha ozivumayo azishiye uyakuthola umusa.

—IzAga 28:13

Ngako, phendvukani, nibuyele kuNkulunkulu, kuze esule licala letono tenu. —Imisebenti yeba Phostoli 3:19

***Kufanele ngemukele
Jesu ngekukholwa.***

Kepha bonkhe labamemukela, ngekukholwa egameni lakhe, wabapha emandla ekutsi babe bantfwana baNkulunkulu. —Johane 1:12

***Ngingaba naso siciniseko
ngekusindziswa kwami.***

Wonkhe umuntfu loneNdvodzana, unekuphila. —1 yaJohane 5:12a

Ngicinisile, ngicinisile, ngitsi kini: Lowo lova livi lami akholwe ngulongitfumile, unekuphila lokuphakadze. Akayi ekwehlulelweni, kodvwa sewuphumile ekufeni, wangenena ekuphileni. —Johane 5:24

© SiSwati New Testament (LiThestamente Lelisha neTihlabelelo). Used with permission of Bible Society of South Africa, 1986.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, IN 46553-0120 USA

www.wmpress.org

SWZ

280 Siswati

6-06

swazi land